

alia de novo condere, prout, & quoties eis secundum rerum, & temporum qualitates videbitur expedire, quæ quidem statuta, & ordinationes postquam edita, reformata, limitata, & mutata, ac de novo condita fuerint, a Sede præfata approbari, & per singulares personas de gremio dictæ Congregationis existentes inviolabiliter observari debeant, libere, & licite possint, & valeant, auctoritate Apostolica, & tenore præfatis indulgemus, liberamque desuper facultatem concedimus, & largimur.

Clausulas præservativas apponit.

§.5. Decernentes præfentes literas de subreptionis, vel obreptionis, aut nullitatis vitio, etiam ex eo quod interesse prætendentes vocati non fuerint, notari, impugnari, aut in jus, vel controversiam vocari nullatenus posse, neque debere, minimeque sub quibusvis revocationibus, suspensionibus, annulationibus, limitationibus, derogationibus, & aliis contrariis dispositionibus a Sede præfata, etiam in favorem quorumvis quomodolibet emanatis, & emanandis nullatenus comprehendere posse, aut debere, necnon quoad concessionem, & assignationem prout est, & attentatum forsitan est hæcenus, ac tam quoad illas, quam omnia alia supradicta ex tunc irritum, & inane, si secus super his a quoquam quavis auctoritate, scienter, vel ignoranter contigerit attentari.

Executores deputat.

§.6. Quocirca Venerabilibus Fratribus nostris Patriarchæ Alexandrinæ, ac Amerinæ, & Aquinatæ. Episcopis per Apostolicam scriptam mandamus, quatenus ipsi, vel duo, aut unus eorum per se, vel alium, seu alios, præfentes literas, & in eis contenta quæcumque, ubi, & quando opus fuerit, & quoties pro parte Philippi Præpositi, ac Congregationis præfatorum, & singularum illius personarum, nunc, & pro tempore existentium, seu alicujus eorum desuper fuerint requisiti, solemniter publicantes, eisque in præmissis efficacis defensionis præsidio assistentes, faciant auctoritate nostra præfentes literas, & in eis contenta quæcumque firmiter observari, ac singulos, quos ipsæ literæ concernunt, illis pacifice frui, & gaudere, non permittentes eos desuper per quoscumque contra præsentium tenorem quomodolibet indebitè molestari. Contradictores auctoritate nostra appellatione postposita compescendo.

Contraria omnia removet.

§.7. Non obstantibus priori voluntate nostra præfata, ac Lateranen. Concilii novissime celebrati, uniones perpetuas, nisi in casibus a jure permissis fieri prohibentis, ac pie mem. Bonifacii Papæ VIII. etiam Prædecessoris nostri, & aliis Apostolicis Constitutionibus, & Ordinationibus, privilegiis quoque, indultis, & literis Apostolicis Venerabili Fratri nostro Alexandro Episcopo Tusculan. Cardinali Farnesio nuncupato, ad quem ratione Ecclesiæ S. Laurentii in Damaso, etiam de Urbe, aut alias dictæ Ecclesiæ S. Mariæ Vallicellæ dum vacat, collatio, provisio, præsentatio, & omnimoda alia dispositio pertinet, ac dilectis filiis Populo Romano sub quibuscumque tenori-

bus, & formis, ac cum quibusvis, etiam derogatoriis derogatoriis, aliisque efficacioribus, & insolitis clausulis, ac irritantibus, & aliis decretis, etiam Motu proprio, & ex certa scientia deque Apostolica potestatis plenitudine, ac fratrum nostrorum consilio, etiam iteratis vicibus, etiam per recol. mem. Leonem Papam X. aliosque Romanos Pontifices similiter Prædecessores nostros, ac forsitan etiam Nos, & Sedem præfata concessis, approbatis, & innovatis, illis præsertim, quibus inter alia caveri dicitur expresse, quod de quibuscumque beneficiis Ecclesiasticis dictæ Urbis vacatione illorum pro tempore occurrente, aliis quam Civibus Romanis, & originariorum Civium Roman. filiis, & forsitan alias certo modo qualificatis provideri, vel alias disponi non possit, & aliter de illis etiam per Sedem præfata pro tempore factæ collationes, concessionis, uniones, & alia dispositiones nullius sint roboris, vel momenti; quodque eisdem privilegiis, & indultis nullatenus, aut non nisi modo, & forma in illis expressis derogari, aut derogatum censeri possit, & si illis aliter derogari contingat, derogationes hujusmodi nemini suffragentur. Quibus omnibus, & singulis etiam si pro illorum sufficienti derogatione alias de illis, eorumque totis tenoribus, specialis, specifica, expressa, & individua, ac de verbo ad verbum non autem per clausulas generales idem importantes mentio, seu alia quævis expressio habenda, aut aliqua etiam exquisita forma ad hoc servanda foret, illis alias in suo robore permansuris, hac vice dumtaxat specialiter, & expresse derogamus. Quodque de gremio dictæ Congregationis diversæ personæ ex dicta Urbe oriundæ, vel alias juxta dicta statuta qualificatæ non existant; contrariis quibuscumque. Aut aliqui super provisionibus sibi faciendis de hujusmodi, vel aliis beneficiis Ecclesiasticis in ipsa Urbe speciales, vel generales dictæ Sedis, vel Legatorum ejus literas impetrarint; etiam si per eas ad inhibitionem, reservationem, & decretum, vel alias quomodolibet sit processum. Quas quidem literas, & processus habitos per eandem, & inde sequuta quæcumque ad dictam Ecclesiam B. Mariæ volumus non extendi, sed nullum per hoc eis, quoad affectuionem beneficiorum aliorum præjudicium generari. Et quibuslibet aliis privilegiis, indulgentiis, & literis Apostolicis, generalibus, vel specialibus quorumcumque tenorum existant, per que præsentibus non expressa, vel totaliter non inserta effectus earum impediri valeat quomodolibet, vel differri, & de quibus, quorumque totis tenoribus habenda sit in nostris literis mentio specialis, provisio, quod ipsa Ecclesia S. Mariæ debitis propterea non fraudetur obsequiis, & animarum cura in ea nullatenus negligatur, sed illius congrue supportentur onera consueta. Nulli ergo omnino, &c. Si quis autem, &c.

Datum Romæ apud S. Petrum, Anno Incarnationis Dominicæ, millesimo quingentesimo septuagesimo quinto, Idibus Julii.

D. P. An.IV.
15. Julii.
gen-

gentesimo septuagesimo quinto, Idibus Julii, Pontificatus nostri Anno IV.

CLXXXVII.

Ex Regest. in Secret. Brevis.

Confirmantur Privilegia Militiæ Sanctorum Mauriti, & Lazari.

GREGORIUS EPISCOPUS
SERVUS SERVORUM DEI

Ad futuram rei memoriam.

Exordium.

Pro Apostolicæ servitutis onere, & Nobis commissa omnium Christi Populorum cura, magna cor nostrum exultat lætitia, cum in iis, quæ ad Dei fidem, & gloriam propagandam instituta, & directæ sunt, susceptum consilium re ipsa comprobatur & largiente Domino optatum cernitur incrementum. Quod nuper usu venisse comperitum est de Militiis Sanctorum Mauriti, & Lazari sub Regula Sancti Augustini pridem a Nobis, postquam alteram institueramus, suadente necessitate coniunctis, ex quibus ut tam egregium de se virtutis specimen emicuit, ita majora in dies speramus Reipublicæ Christianæ commoda proventura.

Facti series.

§.1. Quidem ante biennium cum dilectus Filius Nobilis Vir Emanuel Philibertus Sabaudia Dux Magnus dictarum Militiarum Magister pro sua pietate, & prudentia consideratis diligenter periculis, quæ Sabaudia, & ceteris ditioni suæ Populis ab Hæreticis circumjacentibus, & præsertim ab Geneva hæresum fonte imminabant, Nobis exponi fecisset, se ad hæc mala propulsanda, & ad tuendam, augendamque Religionem Catholicam in locis sibi subiectis cupere, ut ex electis omnis generis Christiani Populi Militibus una ex sancta hujus Sedis auctoritate Militia sub B. Mauriti Martyris ejusdem Ducis, antecessorumque ipsius præcipui Protectoris nomine conficeretur. Nos optimo illius consilio, ac ipso, majoribusque ejus clarissimis, & præstantissimis Principibus digno animo commendato prospicientes, ipsam sic constituendam Militiam maximo usui, & præsidio fore non solum Sabaudia, & Pedemontis Provincias, sed toti etiam Italia ad sustinendos & propellendos quovis Hæreticorum, & Infidelium impetus, ac opportunissimum ibi propugnaculum, munimentum, & auxilium habituros, Nosque, & Ecclesiam Romanam, ac Universam Christianam, Republicam ex ipso Militiæ robore, maximeque talis Ducis virtute, ac summa rerum Bellicarum peritia, magnum adiumentum recepturos esse, dictique Emanuelis Philiberti Ducis supplicationibus inclinati, ad laudem, & gloriam Dei Omnipotentis, ac Fidei Catholicæ dictis Sabaudia, & Pedemontis Regionibus defensionem ac Universæ Italia, totiusque Christianæ Reipublicæ salutem, & commodum, unam Militiam sub invocatione Sancti Mauriti Martyris, & Regula Cisterciens. per Uni-

versum Christianum Orbem, cuius suprema Sedes, & Militum Conventus in loco ab eodem Emanuele Philiberto Duce in Sabaudia statuendo, & assignando perpetuo esset, & in ipsa Militia unum Magistratum magnum vocandum supremam ejusdem Militiæ dignitatem pro uno Magistro, qui illius caput esset, cum eo, quo sibi expedire videretur, Militum, & Ministrorum numero, qui milites cum unica tantum, & virgine conjugati ad habitum, & professionem regularem admitti, seu qui pro tempore admitti forent, matrimonium cum simili virgine, & unica dumtaxat contrahere possent, alias vero ipsi castitatem conjugalem, & obedientiam expresse profiterentur cum mensa Magistrali, officiis, juribus, jurisdictionibus, & insignibus consuetis, ad aliarum hujusmodi Militiarum instar, extunc prout postquam ipse Emanuel Philibertus Dux dotem annui redditus quindecim millium scutorum de propriis, & Patrimonialibus bonis suis illi constitueret, & e contra auctoritate Apostolica perpetuo ereximus, & instituimus, ac illi sic erectæ, ejusque mensæ dictam dotem quindecim millium scutorum, etiam perpetuo applicavimus, & appropriavimus, itaut liceret eidem Emanueli Philiberto Duci, & pro tempore existenti Magistro bonorum dictæ dotis corporalem possessionem, seu quasi libere apprehendere, & perpetuo retinere, fructusque, & proventus in suos, & dictæ militiæ usus, & utilitatem convertere, cujusvis licentia minime requisita.

§.2. Et nihilominus Magistratum prædictum ab ejus primæva erectione, vacantem cum omnibus juribus, & pertinentiis suis prædicto Emanueli Philiberto Duci, ejusque successoribus omnibus Sabaudia Ducibus, qui pariter Magni Magistri essent, in perpetuum concessimus, & assignavimus ipsis præterea, & eorum singulis liberam facultatem tribuimus, ut quod illis visum forent Milites nobiles, aut optima virtute cognitos, vel alios pro eorum arbitrio, vel statuto qualificados ex omnibus nationibus post factam ab ipsis juxta formam literis nostris adnotatam Catholicæ Fidei professionem ad habitum, & regularem professionem admittere, ac etiam in quibuscumque Mundi partibus Prioratus, Bajulivatus, Præceptorias, & alia beneficia dictæ Militiæ erigere, eisque sic erectis patrimonialia, & laicalia bona eorum, qui illa relinquere voluissent, dotis nomine assignare. Juspatronatus fundatoribus, seu dotatoribus id petentibus valide reservare, quod sic reservatum idem robur, eandemque vim, & efficaciam obtineret, quam haberet, si a Nobis concessum fuisset. Necnon Provincias, & Nationes dividere, & ex erigendis dictæ militiæ beneficiis, quæ Prioratus, quæ Præceptorias, quæ superiora, vel inferiora beneficia esse, eaque, & eorum singula, quos fructus habere, & tam ipsa, quam illa obtinentes, quæ onera supportare, ad illa quoque admittendi, quibus qualitatibus suffulti, & quibus legibus subiacere

1575.

cere deberent, aliaque ad usum militiae hujus necessaria decernere, & declarare, atque tam de praedictis, quam aliis quibuscumque rebus, & negotiis occurrentibus quaecumque statuta condere, facere, & ordinare, illaque postquam condita, & ordinata forent, quotiescumque visum fuisset, pro eorum arbitrio, & voluntate interpretari, mutare, alterare, limitare, corrigere, seu in meliorem formam reducere, aut in totum delere, aliaque de novo edere, & quascumque poenas apponere, & ad illorum executionem procedere valerent.

Causa Constitutionis edenda, de qua mentione facta.

§.3. Postea autem considerantes istam sic de novo erectam Militiam Sancti Mauriti magnos fructus tale praesertim ductore, atque Magistro fidei Catholicae esse allaturam, sed multo tamen uberioribus, si aliis succurreretur, & muniretur adjuventis, & auxiliis, ac propterea cernentes Militiam Hospitalis Sancti Lazari Hierosolymitan. sub Regula Sancti Augustini, jam pridem Magistri regimine destitutam, nobilem quidem, & antiquam, sed ipsa vetustate, ac temporum injuria valde dejectam, & prolapsum esse: optimum Nobis visum est, si hanc veterem illi novae, & recens nascenti adungeremus, ut quod una in ipso initio per se agere perfecte non posset, alterius adjuva auxilio, & viribus geminatis fortior esset ad agendum, atque citius, & facilius optatos Ecclesiae Dei, & Christiano Populo fructus afferre possent: id vero facere intinimus cum eo, quod Emanuel Philibertus, & pro tempore existens Dux, & Magister praedictus annexionis hujusmodi ratione duas triremes dictis Militibus instructas pro Sedis Apostolicae defensione contra Haereticos, Infideles, Piratas, & quoscumque alios ejus hostes continue de suo manutene-re deberet. Quare motu proprio, & ex certa scientia nostra, deque Apostolica potestatis plenitudine Militiam Sancti Lazari praedictam, cum illius Magistratu, ac omnibus, & quibuscumque illius Prioratibus, Praeceptoribus, Hospitalibus, & aliis Beneficiis regularibus, earumque membris, Grangias, Castris, Villis, Domibus, possessionibus, proprietatibus, fructibus, & bonis, tam mobilibus, quam immobilibus, ac se moventibus, juribus, & actionibus universis, necnon Ecclesiis, Cappellis, terminis, & pertinentiis quibuscumque ad dictam Militiam Sancti Lazari spectantibus quaecumque, quotcumque, qualiacumque essent, non tamen aliis Ecclesiis, Piis Locis, & Militiis canonice unita, quae ab his, quae unita sunt, avocari, aut illorum ratione, quemcumque molestari nolumus, eidem Militiae Sancti Mauriti, & Lazari nuncuparetur, ita perpetuo univimus, anneximus, & incorporavimus, ut postea in perpetuum praedictus Emanuel Philibertus, & pro tempore existens Sabaudiae Dux Militiae Sanctorum Mauriti, & Lazari Magister esset, & appellaretur. Ac Prioratus Praepositurae, & alia Beneficia Militiae Sancti Lazari, & ea obtinentes, aliaque Milites,

servientes, Cappellani, & Personae curae, gubernationi, & jurisdictioni ipsius Ducis, & magni Magistri in omnibus, & per omnia subessent, pro ut suo antea Magistro suberant, eique tamquam membra capiti obedirent, & obsequerentur; liceretque eidem Duci, & Magistro corporalem possessionem Militiae Sancti Lazari, ejusque Magistratus, & aliorum unitorum praedictorum per se, vel alium, seu alios, propria auctoritate libere apprehendere, & perpetuo retinere, fructusque, redditus, & proventus in suos, & dictae Militiae usus, & utilitatem convertere, Diocesanii loci, vel cujusvis alterius licentia, minime requisita.

§.4. Insuper iis, qui Praeceptorias Sancti Lazari in titulum, seu commendam, vel aliter quovismodo obtinerent, habitum per dictum Ducem, & Magistrum Militibus Sanctorum Mauriti, & Lazari designandum suscipiendi, & eidem Emanuelli Philiberto Duci, & Magistro iis, qui habitum Sancti Lazari jam susceperant, & deferebant, novum dimisso antiquo volentibus tradendi: eos vero, qui dictum Sancti Lazari habitum nondum susceperant, ad novum habitum, ut praesertur, designandum suscipiendum, & deferendum opportunis remediis compellendi auctoritate concessimus, volentes etiam, & dicta auctoritate Apostolica statuentes, eundem Emanuelem Philibertum, & pro tempore existentem Ducem, & magnum Magistrum in perpetuum unionis illius ratione ad duas triremes dictis Militibus instructas pro nostra, & Romani Pontificis pro tempore existentis, ac Sedis Apostolicae, contra praedictos, & quoscumque alios defensione, continue manutenendas teneri, & ad id efficaciter obligatum esse. Postremo, ne post dictam unionem regularum diversitas incomodo esset, statuimus, ut deinceps Regula Sancti Augustini ab omnibus dictae Militiae Sanctorum Mauriti, & Lazari Militibus ubique servaretur, quemadmodum diversis nostris literis desuper confectis plenius continetur. Nos pro fiducia, quam in ipsius Emanuelli Philiberti Ducis, & magni Magistri virtute, & progagande Religionis studio habemus, animum nostrum in id libenter intendimus, ut illum, & dictam Militiam Sanctorum Mauriti, & Lazari privilegiis, ut fert temporum ratio, fulciamus.

§.5. Quare cum fel. rec. Pius Papa IV. quarto nonas Maii, Pontificatus sui anno sexto, multa privilegia, gratias, facultates, & indulgentias Hospitali Sancti Lazari, illiusque Magistro, Praeceptoribus, Fratribus, & Personis confirmaverit, & ampliaverit, & alia concesserit, eademque etiam Pius Papa V., quinto Idus Februarii, Pontificatus sui anno primo, motu proprio comprobaverit, paucis quibusdam recisis, aliis restrictis, ac rursus Religione Sancti Lazari ob copiam hujusmodi privilegiorum disfluente, idem Pius Papa V., septimo Kalendas Februarii, anno secundo ejusdem sui Pontificatus

Veterum privilegiorum confirmatio, & nova aliorum concessio.

catus

1575.

1575.

1575.

catus, novam formam dictis privilegiis praescripserit, quibusdam sublatis, nonnullis moderatis, & declaratis, aliis vero mutatis, & antiquatis. Nos ne illa toties ante erectionem praedictae Militiae Sancti Mauriti ad usum, & commodum Hospitalis Sancti Lazari, illiusque locorum, & personarum dumtaxat concessa, referta, & resecta cum praesentibus confusionem faciant, sed ut unica hac deinceps privilegiorum gratiarum, facultatum, & indulgentiarum formula Militiae Sanctorum Mauriti, & Lazari accommodata habeatur. De Apostolica potestatis plenitudine, omnia privilegia, gratias, facultates, & indulgentias praedictas, quibuscumque illa concepta sint modis, ac clausulis, & decretis roborata, ad praesentium formam omnino reducimus, decernentes iis dumtaxat praesentibus de cetero utendum esse, nec non irritum, & inane, quicquid fecus a quoquam, quavis auctoritate scienter, vel ignoranter contigerit attentari.

§.6. Ceterum cognita quotidie magis virtute dicti Emanuelli Philiberti Ducis, & magni Magistri, propensoque in Nos, & dictam Rempublicam Christianam animo, cum in ceteris, tum maxime in comparandis sedulo dictis triremibus, eisdemque strenuorum militum manu instruendis, qui, & praefatio, & tutandis maritimis oris Rempublicam ipsam Christianam egregie adjuverunt, proferros, & felices dictarum Militiarum successus ad Dei gloriam, & Sedis praedictae tutelam vehementer optantes, suscipimus in perpetuum sub nostra, & Beati Petri protectione, Nobisque, & dictae Sedi immediate subiectis Militiam praedictam Sanctorum Mauriti, & Lazari, ac illorum Magnum Magistrum, Priores, Praeceptores, milites Fratres, etiam Presbyteros, & personas, eorumque subditos, vassallos, colonos, & servitores intra regularia dictae Militiae loca degentes, ac etiam curam animarum exercentes, salvo tamen Concilii Tridentini Decretis, quandiu illam exeruerint, & in illorum obsequiis faciant; nec non Prioratus, Praeceptorias, Ecclesias, Hospitalia, Domos, grangias, praedia, fabricas, molendina, animalia, & alia bona quaecumque ipsius Militiae Sanctorum Mauriti, & Lazari, & quae illi ab ea obtinent, & possident, ac in futurum dante Domino canonice obtinebunt.

Exemptio a Diocesanis.

§.7. Ac juxta terminos dicti Concilii tantum, & salvis illius Decretis eximimus, & liberamus illos, illas, & illa ab omni jurisdictione, correctione, superioritate, dominio, & potestate quorumcumque Patriarcarum, Archiepiscoporum, Episcoporum, Praelatorum, & locorum Ordinariorum, nec non Dominorum temporarium, quavis, etiam Ducali, regali, & Imperiali potestate fulgentium, ac etiam Universitatum, & illarum regentium, aliorumque, praeterquam Militiae praedictae Sanctorum Mauriti, & Lazari superiorum in quacumque dignitate, statu, gradu, ordine, & conditione, ac ubicumque gentium, Bull. Rom. Tom. IV. Par. IV.

tam citra, quam ultra mare, & montes constitutorum, illorumque Vicariorum, Officialium, Locatenentium, & Judicium praesentium, & futurorum.

§.8. Necnon a solutione ratione passagii, arrearagii, gabellae, datii, collectae, procuratoris jucundi adventus, jurium etiam synodalium, censuum, decimarum, novallium, hortorum, pratorum, piscationum, & molendinorum, ac quod nulli eorum accessus directe, vel indirecte prohiberi possit, ac etiam terrarum, quas per se ipsos, vel etiam colonos, arrendatarios, emphyteotas, aut alios excolunt: ex Militiae Sanctorum Mauriti, & Lazari dumtaxat, etiam ratione cujusvis oneris personalis, realis, & mixti, Ordinarium, vel extraordinarium, ubicumque, & ex quacumque causa impositi ad praesens, & pro tempore imponendi; ita ut Archiepiscopi, Episcopi, Praelati, Ordinarii, Vicarii, Officiales, Locatenentes, & Judices in spiritualibus, etiam ratione delicti, (dummodo illud non sit de atrocioribus) vel contractus, seu rei, de qua agitur, ubicumque comittatur delictum, iniatur contractus, vel res ipsa consistat, si persona ipse intra regularia loca praedicta degant, & ibi aliquis a dictis Magistro, & Conventu, ad id etiam cum jurisdictione deputatus fuerit, temporales vero Judices, & Domini praedicti nullam in eos, eas, vel ea jurisdictionem, correctionem, & potestatem exercere, nec ipsae Ecclesiasticae personae excommunicationis, aliaque sententias, censuras, & poenas promulgare, nec ulli omnino ratione personarum, animalium, rerum, & bonorum, (quae tamen patrimonialia, aut alia, quam Militiae praedictae Sanctorum Mauriti, & Lazari non sint,) ad aliquam solutionem ratione pontium, fontium, furnorum, vel murorum eos coarctare, aut alii cujuscumque Ecclesiasticae, vel mundanae dignitatis, praerogativa, status, vel conditionis, etiam in Locis, & Terra S. R. E. mediate, vel immediate subiectis, ac etiam ad instantiam cujuscumque Principis, seu Communitatis, sub poenis excommunicationis latae sententiae, seu restitutionis quadrupli ultra damna, & expensas per contrascentes eo ipso incurrendis, eos in iudicio, vel extra super praemissis, vel eorum usu, seu possessione, vel quasi directe, vel indirecte, quovis quaesito colore, vel ingenio molestare, impedire, vexare, aut alias quomodolibet impetere audeant, sed Priores, Milites, & aliae personae Militiae Sanctorum Mauriti, & Lazari hujusmodi sic degentes de justitia coram solo magno Magistro, & Conventu, vel eorum deputato respondere debeant, & quicumque processus contra illos, vel eorum aliquem per ipsos locorum Ordinarios, vel eorum Vicarios, alias quam ut praemittitur, seu quovis alios pro tempore facti, & excommunicationis, vel suspensionis, aut quavis aliae sententiae promulgatae, nulla, & invalida, nulliusque roboris, & momenti sint, in delictis tamen atrocioribus inter magnum Magistrum, seu Deputatos

Necnon a solutione gabellae, datii &c.

P

ab

1575.

ab eo, ac locorum, tam in spiritualibus, quam temporalibus Ordinario, ita servetur, ut ejus sit in delinquentes jurisdictione, qui praverint ex eisdem.

Non debent solvere decimas eodem privilegio, quo cetera Regularum Militia.

§.9. Sed nec aliquis ex dicta Militia Sanctorum Mauriti, & Lazari Militibus, Fratibus, donatis, servitoribus, vassallis, & colonis in Prioratibus, preceptoribus, domibus, Hospitalibus, Leprosariis, membris, aut aliis quibusvis praeiis, five grangiis quomodocumque ab ipsa Milita dependentibus in quibuscumque locis sub quorumcumque Patriarcharum, Archiepiscoporum, Episcoporum, Universitatum, Hospitalium, Rectorum Ecclesiarum limitibus, & jurisdictione constitutis, decimas, aut canonicam portionem, seu caritativum subsidium, aut quartas nuncupatas, seu alias quascumque collectas, aut contributiones, tam ex antiquis culturis, quam ex novalibus, & recentis cultis Militia, & ejus Beneficiorum praedictorum alicui quovis modo solvere teneantur, nisi pro ut alii regulares cujusvis Militia milites generalibus, vel specialibus circa hoc privilegio gaudentes tenentur. Quin etiam bona, Magistri, Priorum, Praeceptorum, & Fratrum, ac aliarum personarum hujusmodi ex fructibus, & rebus Militia praedictae dumtaxat licite acquisita, ac acquirenda a die emissae professionis per eosdem Priores, praepceptores, fratres, & personas ab omnibus decimis, & aliis oneribus, ad exemplum bonorum aliarum regularium militiarum libera, immunia, & exempta existant.

Facultas depromendi de beneficiis.

§.10. Ut autem sublati, quoad potest, obstaculis Magnus Magister, Conventus, & Militia Sanctorum Mauriti, & Lazari, eorumque Priores, Praeceptores, & personae possint de beneficiis ipsius Militiae liberius disponere, statuimus, & ordinamus, ut Prioratus, Praeceptorias, & beneficia quaecumque dictae Militiae Sanctorum Mauriti, & Lazari, deinceps quomodocumque, & quomodocumque, ac ubicumque, extra Romanam Curiam vacatura, sub quibusvis generalibus, vel specialibus reservationibus, seu affectionibus Apostolicis factis hucusque, & deinceps faciendis de quibusvis beneficiis ecclesiasticis, non tamen apud Sedem Apostolicam pro tempore vacantibus, nullatenus includantur, nec reservata, vel affecta existant, sed Hospitalium pauperum, quae sub hujusmodi reservationibus non includuntur, quoad id fortiantur naturam, debeatque de illis per pro tempore existentem Magnum Magistrum, & Conventum praedictos dumtaxat, & non alium juxta stabilimenta praedicta fratribus dictae Militiae Sanctorum Mauriti, & Lazari provideri.

§.11. Nec provisiones, commenda, & aliae dispositiones de hujusmodi prioratibus, praepceptoribus, & beneficiis, etiam per cessum, vel decessum, seu quamvis aliam dimissionem, vel amissionem illa pro tempore obtinentium, etiam de dicta Militia non existentium, aut alias quovis modo pro tempore vacantibus, aliis fieri possint, quam eis, qui possessionem per fratres dictae

Militia emitti solitam, expresse emiserint, & alias juxta illius stabilimenta, ac privilegia, & indulta Apostolica ei concessa qualificati fuerint, alioquin provisiones, commenda, & aliae dispositiones hujusmodi nullius sint profrus roboris, vel momenti, & habeantur pro infectis, nec illis, quibus aliter fient, ullum jus, ullumve titulum, etiam coloratum tribuen. possidendi.

§.12. Ac etiam statuimus, & ordinamus, ut omnes, & quicumque Priores, Praeceptores, fratres, & personae Militia praedictae Sanctorum Mauriti, & Lazari, illorumque Vassalli, Servitores, & Subditi ubicumque, tam citra, quam ultra montes constituti, etiam commorantes praesentes, & futuri Magno Magistro, & Conventui praedictis, & sub delegatis ab eo, vel eis tam personaliter, quam realiter, omni exceptione cessante firmiter parere, & obedire teneantur, quocumque, etiam a praedicta Sede Apostolica pro tempore obtento indulto non obstante, ipsique Magister, & Conventus, juxta stabilimenta praedicta, necnon hujus Militia laudabiles consuetudines, & mores plenam, & omnimodam, etiam meri, & mixti imperii jurisdictionem, & superioritatem in omnes illos, necnon Prioratus, praepceptorias, Domos, Hospitalia, membra, bona, loca, & alia praedicta habeant, dictisque Magister contra rebelles, & suis mandatis non obedientes servatis quatuor terminis ad docendum se paruisse, & satisfecisse in loco Conventus Militiae hujusmodi ad multam, seu poenam corporalem, vel ad privationem habitus, & beneficiorum, domorum, & praediorum per eos obtentorum, & alias juxta mores, & stabilimenta praedicta, edita, & edenda procedere possint.

Jurisdictione meri, & mixti imperii.

§.13. Ac tam ipsi Magister, & Conventus, quam etiam Major Ecclesia, & ceteri omnes Priores, & Praeceptores dictae Militiae intra limites suarum quisque jurisdictionum veri Ordinarii juxta formam stabilimentorum, & privilegiorum praedictorum sint, & esse censeantur. Et praeterea iidem Magister, & Conventus, quoscumque Priores praepceptores, illorumque Prioratum, & praepceptoriarum fratres, & religiosos delinquentes, vel inobedientes cujuscumque dignitatis, status, gradus, ordinis, & praevinentiae existentes, ac quavis etiam Apostolica exemptione fruentes, etiam in Imperatoris, Regum, aliorumque Principum, & etiam Ecclesiarum Curiarum (Romana excepta) & denique in quocumque alio loco quantumvis exempto, & qualicumque privilegio munito per se, aut suos officiales, & ministros capere, & carcerare, ac captos a se, vel eorum nomine liberare, ac ad Militiam Sanctorum Mauriti, & Lazari, & Magistrum, Conventumque praedictos, ut ibi juxta eorum constitutiones, & stabilimenta puniantur, sub debita custodia transmittere libere, & licite possint. Qua in re tam ecclesiastici, quam saeculares officiales, & locorum potestates, ad assistendum eidem Magistro, & Con-

Jurisdictione Ordinarii.

1575.

Conventui, Prioribus, & praepceptoribus in praemissis, necnon auxilium, consilium, & favorem praestandum, sub excommunicationis, & aliis censuris, & poenis ecclesiasticis teneantur.

Jurisdictione fori usque ad tertiam definitivam sententiam.

§.14. Insuper ut omnes, & quaecumque querele, quæstiones, lites, causa, & controversiae inter fratres, & subditos dictae Militiae SS. Mauriti, & Lazari praesentes, & quæ ex quibusvis causis, & occasionibus oriri, & moveri contigerit quovis, modo, cum omnibus suis incidentibus, emergentibus, annexis, & connexis, ac omnium cujusvis appellationis (praeterquam in defectus denegata iustitia, vel illati perperam contra stabilimenta, & consuetudines dictae Militiae gravaminis casibus) remoto obstaculo per pro tempore existentem Magistrum, & Conventum praedictos, seu illos ex fratribus, quibus ipsi Magister, & Conventus id commiserint, etiam usque ad tertiam definitivam sententiam audiantur juxta laudabiles consuetudines, & stabilimenta Militiae, & alia, prout juris fuerit, debito sine decedantur.

§.15. Omnesque Priores, praepceptores, milites, & fratres ipsius Militiae postquam de mandato, seu auctoritate Magistri, & Conventus praedictorum in quibusvis praedictarum causarum contra eos intentarum ad comparandum coram ipsis, & Commissariis per eos, ut praefertur, deputatis in locis quantumcumque ab eadem Militia, ejusque Conventu praedicto remotis citati fuerint, coram eidem Magistro, Conventu, & commissariis prout contigerit, legitime comparere teneantur, juri, & iustitiae secundum stabilimenta edita, & edenda, necnon approbationes, usus, & laudabiles consuetudines praedictae Militiae Sanctorum Mauriti, & Lazari parituri: qui vero ex Prioribus, praepceptoribus, fratribus, & subditis praedictis contra eorum aliquem super quibusvis querelis, rebus, & negotiis, praeterquam in praedictis casibus coram alio quam Magistro, & Conventu praedictis, ac per eos pro tempore datis commissariis in causam traxerint, & ad alium, quam ad eisdem appellationes quascumque interposuerint, causas hujusmodi profrus perdant, reque super qua contenderint, privati existant eo ipso.

Facultas iudicandi in causis ad militiam spectantibus.

§.16. Nos autem praedictis Magistro, & Conventui facultatem tribuimus, omnes causas, lites, & querelas nondum tamen coram aliis Iudicibus motas, & pendentes super quibusvis dictae Militiae Sanctorum Mauriti, & Lazari beneficiis, ac etiam bonis, rebus, & pecuniis ararii, & fratrum quorumcumque ratione ipsius Militiae dumtaxat, in quibus alter alterum, sive realiter, sive personaliter conveniet, ac etiam in quibus ipsi ab aliis, etiam clericis saecularibus, vel regularibus, aut laicis conveniuntur, etiam per deputatos ab eis in locis, in quibus causa ipsa cognoscitur, audiendi, & decidendi, & ad hunc effectum citandos, citandi, & illis, ac quibus, & quoties opus erit, etiam sub censuris, & poenis ecclesiasticis. Bull. Rom. Tom. IV. Par. IV.

ficiis inhibendi, itaut illorum sententia, & res iudicate per Priorem Ecclesiae dicti Conventus propositis etiam censuris, & poenis ecclesiasticis, debite executioni contra condemnatos, tam realiter, quam personaliter demandentur: nec hujusmodi causa, quæstiones, & querele alibi quam in dictis Militia, & Conventu, aut extra illos ex Magistri, & Conventus praedictorum commissione cognosci, & terminari valeant.

§.17. Sed nec a sententiis per Iudices dictae Militiae pro tempore latis ad alium, quam ad Magistrum, & Conventum praedictos, seu Iudices ab eis deputatos in quavis instantia, beneficialibus causis exceptis, neque etiam a sententiis per ipsum Magistrum, & consilium latis, alibi quam ad generale capitulum, sive per ipsius Militiae Fratres, sive per eorum subditos, & Vassallos, quoquo modo appellari possit, quinimmo illi usque ad tertiam sententiam, non tamen in causis beneficialibus hujusmodi, in eodem Conventu procedere teneantur, omnesque sententiae per eosdem Magistrum, & Conventum latae, omnes item commissiones, citationes, & omnia denique eorumdem rescripta ad omnes suae jurisdictioni subditorum, ac reliquorum, etiam quorum intererit, causas, lites, & querelas coram ipsis pertractandas directe exequi, nec ab ullis locorum, & terrarum Dominis, etiam Regali, aut Ducali dignitate fulgentibus aliqua ratione, etiam non expectati consensus, seu alio quovis quaesito colore in eorumdem executione impediri possint, servato tamen in eis dat. ordine, ita ut eorum ultimi primis nequant anteferri.

Jus appellationis ad Capitulum generale ipsius Militiae.

§.18. Ad haec ut Magister, & Conventus praedicti contra omnes, & quoscumque, etiam Clericos saeculares, seu laicos, Prioratus, Praeceptorias, Domos, Cameras Magistrales, & alia beneficia Militiae hujusmodi, eorumque res, & bona, quocumque titulo, sine tamen consensu, & expressa licentia ipsorum Magistri, & Conventus indebite occupantes, seu illi, aut ejus communi arario, seu fratribus occasione responsonum annuarum vacantium, mortuorum, annatarum, passagiorum, areragiorum, seu alias quomodolibet, & ex quacumque alia causa debentes, siquidem illi actores sint modo, & forma, quibus contra ipsius Militiae Sanctorum Mauriti, & Lazari fratres procedi consueverit, pro illorum recuperatione libere procedere, & eos Prioratibus, Praeceptoribus, Domibus, & aliis beneficiis hujusmodi, servata forma juris, & alias juxta privilegia praedicta privare, si vero rei fuerint, coram ipsorum competentibus iudicibus ad recuperationem alia praedicta agere, & omnia juris remedia tentare, ac demum privatione hujusmodi legitime facta de Prioratibus, aliisque beneficiis praedictis per privationem eandem vacantibus libere disponere valeant.

Facultas recuperandi bona Militiae ab iniustus detentoribus.

§.19. Salvis tamen literis praedicti Pii Papae V. undecima Augusti Pontificatus sui P 2 An-

Anno II. publicatis, per quas ipse rationem habens, volens immunitatis illorum Hospitalium, & religiosorum locorum, quae sub invocatione Sancti Lazari Leprosorum aliquando fundata, constructa, & instituta, deinde aut Ecclesiis, Monasteriis, Xenodochiis, Collegiis, Universitatibus, etiam studiorum generalium, diversisque aliis Sacris, & Religiosis locis unita, aut in eorum commoda suppressa fuerant, seu quorum curam, seu bonorum administrationem, seu fructuum dispensationem, vel ipsa Ecclesia, vel Conventus, vel venerabilium locorum sodalitates, vel honesti civices, vel etiam privatim alii spectatae probitatis viri habebant, & aut in illis, aut ex illis praedictis Ecclesiis, Monasteriis, Xenodochiis, Collegiis, Universitatibus, piis locis, & pauperibus suarum quisque civitatum, & locorum ubi diversa, & multiformes charitatis, & misericordiae species suadere videbantur, varia item egestates, necessitatesque expectabant, pie, sancteque suppeditabant, Motu, scientia, & potestatis plenitudine similibus inter alia omnes causas inter Magistrum, Conventum, & fratres praedicti Hospitalis Sancti Lazari, etiam collationem, comendam, aut aliam concessionem ab eisdem Magistro, & Conventu, ac quoscumque alios curam, regimen, & administrationem, ac possessionem Hospitalium, locorum, & bonorum praedictorum quocumque modo habentes super eisdem Hospitalibus, locis, & bonis eorumque regimine, & administratione, possessione, spolio, rebusque aliis, & illorum occasione, ubicumque, & in quacumque instantia pendentes ad se advocavit, lites, penitus extinxit, ac perpetuum silentium imposuit.

§.20. Praeterea specialiter, & expresse renunciavit omnes, & quascumque collationes, provisiones, comendas, concessionem, commissiones, & alias dispositiones de ipsis Hospitalibus, & locis ab eisdem Magistro, & Conventu, quibuscumque factas, inde secutaeque ab Apostolica Sede, etiam Motu simili confirmationes, vel novas provisiones, ac etiam concessionem, & facultates eisdem Magistro, & Conventui factas inter cetera continentes, quod Hospitalia, Leprosaria, & alia loca sub invocatione Sancti Lazari Leprosorum huiusmodi, & a Magistro, Conventu, & Fratribus praedictis non recepta, nec possessa, ubi aliquando fuerat vel esset Hospitalitas Leprosorum, seu Infirmorum Sancti Lazari nuncupatorum Hospitali Sancti Lazari, praedicto subiecta, & incorporata esse, atque ad jus, & proprietatem, omnimodamque dispositionem Magistri, & Conventus praedictorum iuxta ipsius Hospitalis Sancti Lazari stabilimenta pertinere censerentur, illaque per Fratres praedictos dumtaxat gubernari, & in signum recognitionis, superioritatis dicti Hospitalis canone, seu censu annuo illis respondere. Praeterea Hospitalia, & loca huiusmodi obtinentes responsiones, & iura annatarum vacantium, mortuorum, arreragiorum, & passagiorum Hospi-

tai Sancti Lazari, & illius aeratio communis solvere tenerentur: necnon quacumque alia privilegia, facultates, & indulta dictis Magistro, Conventui, Fratribus, & Personis Hospitalis Sancti Lazari, super reductione huiusmodi Hospitalium ad pristinam Hospitalis Sancti Lazari Hierosolymitani naturam, ac regimen, & administrationem. Volens idem Praedecessor illa omnia, vires, & effectum, de cetero non habere, ipsaque Hospitalia, & loca, eorumque res, & bona, deinceps ut antea regi, & gubernari, ac de illis disponi, nec ullo annuo censu, canone, subsidio, vel alio onere per Magistrum, Conventum, & definitores praedictos gravari, nec ad aliam responsionem, aut iura aliqua eis praestanda ullo umquam tempore teneri, nec sub aliquo alio jure Magistri, & Conventus, & Hospitalis Sancti Lazari huiusmodi consistere, decernentes sic per quoscumque iudicari debere, ac irritum, & inane quidquid secus per quoscumque contigerit attentari, censuris, & poenis tunc expressis in contrafacientes praepositis, pro ut in dictis literis plenius continetur.

§.21. Statuimus quoque ut nulla alienationes bonorum, proprietatum, fructuum, censuum, jurisdictionum, iurium, rerum, & actionum ad Prioratus, Praeceptorias, Hospitalia, Domos, Beneficia, & loca Militiae praedictae quocumque pertinentia fiant, & qui eas fecerint, in Excommunicationis sententiam eo ipso incurrant, & alienationes ipsae nullius sint roboris, vel momenti.

§.22. Utque Magister, & Conventus praedicti quoscumque locorum Ordinarios, ac alias personas in dignitate Ecclesiastica ubilibet constitutas, ipsorumque Ordinarium Officiales, seu Vicarios Generales in suos, & quorumcumque Priorum, Praeceptorum, & Fratrum Militiae praedictae eligere possent Conservatores, qui sic electi sub Excommunicationis poena eosdem Priores, Praeceptores, & Fratres, ac eorum singulos, non tamen extra Regularia dictae Militiae loca degentes, adversus inferentes eis, aut eorum Servitoribus, & Familiaribus iniurias, seu gravamina, vel damna in personis, rebus, & bonis, seu exigentes ab eis contra, ac supra scriptum est, vendicabilia, dacia, pedagia, gabbellas, collectas, aut alia onera defendere, & preservare, ac omnem in eos jurisdictionem exercere, necnon ubi executio realis, vel personalis, adversus reos fieri non poterit, & eorum contumacia id exegerit, praecedentibus legitimis monitionibus, & aliis servandis rite servatis, sententias, censuras, & poenas Ecclesiasticas contra Rebelles, & inobedientes cum effectu promulgare, ac privilegia Prioribus, Praeceptoribus, & Fratribus, praedictis pro tempore concessa, eis observari facere teneantur, nec Conservatores praedicti quamdiu Officium huiusmodi exercuerint, a quoquam quo minus illud exercent, aliquo praeceptu impediri, vel molestari possunt.

Bonorum alienatio prohibetur.

Electio Conservatorum.

§.23. In

§.23. In causis autem Militiae praedictae ejusque bonorum, & personarum, ubi aliae probationes non existent, eorum Magister, Priores, Praeceptores, Milites, Fratres, Vassalli, Subditi, Servitores, & aliae personae in testes recipi, & adhiberi valeant.

§.24. Statuimus etiam, ut iura mortuorum, & vacantium, necnon arreragiorum, passagiorum, & aliorum quorumcumque solvantur, & quavis persona cuiuscumque dignitatis, Beneficia Militiae huiusmodi pro tempore obtinentes ad illa omnino teneantur, & ad id etiam sententias, censuris, & poenis Ecclesiasticis, ac aliis remediis, etiam privationis, & apprehensionis bonorum ad manus suas iuxta privilegia praedicta cogi possint.

§.25. Quod, & iura Patronatus, & praesentandi personas idoneas ad Prioratus, Praeceptorias, Hospitalia, Domos, aliaeque Beneficia, & loca Militiae praedictae a quadraginta annis citra, praeterquam in casibus, qui praedictis literis Pii Papae V. undecima Augusti publicatis exprimentur, acquisita, & in futurum acquirenda, ex quavis causa, praeterquam ratione fundationis, & iuxta dispositionem Concilii Tridentini, nisi pravia diligenti cognitione a locorum Ordinariis habenda reperta fuerint, ob maximam evidentem Beneficiorum, & locorum necessitatem constituta esse, ab eisdem Ordinariis in totum revocentur, & restituito profus eo ab ipsis, propterea datum fuerit, in pristinam libertatem reducantur, & ex nunc sine tamen damno illa canonice possidentium, liceat Magistro, & Conventui praedictis Prioratus, Praeceptorias, Hospitalia, Domos, Beneficia, & loca huiusmodi, cum primum vacabunt, conferre.

§.26. Insuper si quisquam Priorum, Praeceptorum, militum, & fratrum dictae Militiae Sanctorum Mauriti, & Lazari, aut quicumque alius, qui professionem per fratres dictae Militiae emitti solitam emisserint, quandocumque pro servitiis dictae Militiae, aut alias vocatus, seu in solutione iurium communis aerarii morosus fuerit, & citatus coram dictis Magistro, & Conventu personaliter non comparuerit, ac illis obedientiam, aliaeque iura debita non praestiterit, elapso tempore sibi ad id praesigendo, cessante canonico impedimento, habitu, dignitate, administratione, & beneficio, ac quocumque honore, & officio, alias iuxta formam stabilimentorum, & privilegiorum praedictorum editorum, & edendum per Magistrum, & Conventum praedictos privari possit. Nec ulla derogatio, aut exemptio realis, vel personalis, seu aliae gratiae praeservativa, etiam Motu, scientia, & potestatis plenitudine similibus quomodolibet pro tempore facta, seu concessa contra praemissa valeant, nec ipsi Magister, & Conventus illis parere teneantur, sed illis non obstantibus de Prioratu, praepceptoriam, dignitate, officio, vel beneficio sic per privationem huiusmodi vacante iuxta stabilimenta, & alia praemissa libere disponi, aut illud alias ab eo, vel eis, ad quem

Jurispatronatus eius.

Qua de causa quilibet honore Militiae privari possit.

seu quos ansianitatis, vel alio jure pertinebit, acceptari.

§.27. Decernentes praemissis, etiam per quascumque literas Apostolicas speciales, vel generales, etiam derogatoriarum derogatorias, aliaeque clausulas efficaciores, & insolitas, ac irritantia, & alia decreta sub quacumque verborum expressione continententes, nullatenus derogari posse, nec quoad illa derogatum censeri, nisi tenor illarum ad verbum nihil penitus omisso insertus, & huiusmodi derogationes consistorialiter factae, & per trinas distinctas literas eundem tenorem continententes, tribus distinctis vicibus Magistro, & Conventui praedictis intimatae, & insinuatae fuerint, ac ipsorum Magistri, & Conventus ad id expressus accedat assensus: & aliter factas derogationes minime suffragari, ipsosque Magistrum, & Conventum ad parendum literis derogatoriis huiusmodi, & decretis super illis processibus, ac illorum executoribus, & subexecutoribus, eorumque mandatis, & monitionibus minime teneri, sed literarum huiusmodi executiones omnino impedire, nec ratione resistencia censuris ecclesiasticis per eosdem executores, vel subexecutores latis innodari posse.

§.28. Insuper concedimus, ut Priores, praepceptores, fratres, & Capellani dictae Militiae Sanctorum Mauriti, & Lazari ab Ordinariis locorum, intra quorum Diocesum fines eorum Prioratus, Praeceptoriae, & alia loca fuerint, ac in quibus eos residence oportuerit, vel si ab Ordinariis praedictis legitime impeditis non poterint ab eis, nihilominus examinati, atque idonei secundum Canonicas Sanctiones reperti, & approbati, habitisque ab eis dimissorialibus literis, & a suis Superioribus licentia, & servata in omnibus forma Concilii Tridentini a quocumque Catholico Antifite sub Romanae Sedis obedientia constituto in propria Diocesi residente, aut in aliena pro Diocesano Pontificalia exercente, diligenti praevio examine Sacros Ordines, & si id pro utilitate, aut necessitate Militiae, Conventus, Prioratum, Praeceptoriarum, & aliorum locorum huiusmodi eisdem Ordinariis, & Superioribus videbitur expedire, etiam extra tempora a jure statuta, tribus, nec paucioribus diebus Festivis suscipere possint.

§.29. Ac etiam concedimus dictis Magistro, & Conventui, ut liceat eis in suo Capitulo generali Praeceptorias, & alia Beneficia dictae Militiae ab ejus Militibus pro tempore obtentas congrua, & rationabili responsione ad necessarias impensas trimum instruendarum contra Prioratus, & alia onera Militiae in communi supportanda sine tamen divini Cultus, & debita Hospitalitatis diminutione gravare.

§.30. Ac Procuratorem Generalem in Romana Curia cum plena, aut limitata potestate, generali, vel speciali constituere. Liceat etiam ipsis in singulis Prioratibus Militiae Sanctorum Mauriti, & Lazari praedictae unum Vicarium cum facultate confere-

Clausula.

Declaratio, ut Milites Sacros Ordines possint suscipere.

rendi

rendi Præceptorias, & domos ejsdem Militiæ constituere, ac etiam per eundem censum, responsiones, jura, & onera omnia super hujusmodi præceptorias, & domibus, necnon leprosiis, & aliis beneficiis ejsdem imponi solita, a quibuscumque etiam Clericis secularibus, eorumque Colonis, & Inquilinis, etiam Laicis, eo modo, quo a Fratribus ipsius Militiæ exigentur, exigere.

Facultas ge-
standi arma.

§.31. Liceatque ipsis Magistro, & Conventui cujuscumque generis animalibus, quæ Sanctis Mauritio, & Lazaro vel alteri eorum offerri contigerit, nolas, seu Campanas appendere, aut notâ quâpiam ea obfigurare. Permittimus insuper omnibus Prioribus, Præceptoribus, Militibus, & Personis dictarum Militiarum, eorumque familiaribus quæcumque arma pro sua defensione, & hostium dictæ Sedis offensione, ubique locorum gestare.

Facultas uten-
di insignibus
Pontificalibus

§.32. Ad hæc quoque Militiam hanc universam spiritualibus muneribus prosequi volentes indulgemus Priori Ecclesiæ dicti Conventus pro tempore existentis, ut Mitra, Annulo, Baculo Pastoralis, ceterisque insignibus, & indumentis Pontificalibus, tam in prædicta, quam in ceteris dictæ Militiæ Ecclesiis uti, & quoties voluerit, ibi Missam, aliaque divina Officia, etiam in Habitu Pontificali celebrare, ac post Missarum Solemnia, dummodo non sit præsens, aliquis Catholicus Antistes, alias de illius consensu Benedictionem solemnem Populo impendere.

§.33. Ac etiam indulgemus Fratribus dictæ Militiæ, ut in suis Ecclesiis Missas, & quæcumque alia divina Officia, etiam alta voce, ac etiam per alios Presbyteros idoneos, & approbatos celebrare, necnon servatis decretis prædicti Concilii Tridentini quo ad ea, quæ illa concernunt, omnibus, & singulis Christianis fidelibus, etiam leprosis, & aliis pauperibus infirmis in dictis Hospitalibus degentibus Ecclesiastica Sacramenta ministrare, ac eorum, & sine alicujus præjudicio, aliorum quorumcumque fidelium defunctorum id eligentium, ac petentium corpora in cæmeteriis, & Ecclesiis dictorum Fratrum Ecclesiasticæ tradere sepulture.

§.34. Ac eisdem decretis servatis verbum Dei debitis, & congruis temporibus in Parochialibus quidem Parochianis, & Populo, in aliis vero Ecclesiis suis Pauperibus ipsis, & leprosis per se, vel alium, seu alios idoneos proponere. Necnon Prioribus, & Procuratoribus quorumcumque Hospitalium, & Domorum ab ipsa Militia dependentium, & illam in caput suum recognoscentium die Dominica in Ramis Palmarum, & per ejus octavam si Presbyteri, & approbati fuerint, ut per se in suis Hospitalibus, ac Domibus prædictis tantum confessiones quorumcumque de consensu Ordinariorum locorum audire, & cum hujusmodi consententibus quibuscumque facultatibus, & Indulgentiis ad peccatorum remissionem eis auctoritate Apostolica con-

cessis, non tamen in casibus literis die Cœne Domini legi consuetis comprehensis uti, ac eisdem illis, de licentia tamen expressa Magistri, & Conventus quotannis renovanda impartiri, ac etiam alium, vel alios probos, & idoneos Presbyteros faculares, vel cujusvis Ordinis Regulares a locorum Ordinariis approbatos ad id libere deputare, aliis vero temporibus ipsi sic sint, ut ceteri Sacerdotes, nullam a Sede prædicta facultatem habentes.

§.35. Ac eisdem Prioribus, Præceptoribus, Militibus, Fratribus, & personis intra regularia prædictæ Militiæ loca degentibus de superiorum suorum licentia, aliis vero extra ea degentibus, quo ad confirmationem sine Diocesani, quoad alia vero sine Parochialium Ecclesiarum, intra quorum limites eos degere contigerit, præjudicio, & servatis decretis Concilii Tridentini, liceat quæcumque Ecclesiastica Sacramenta a quocumque maluerint Catholico Antistite in sua Diocesi residente, aut alio pro eo Pontificalia officia exercente, si ve etiam alio illa licite ministrante, gratiam, & communionem dictæ Sedis habente, nihil oblato, vel soluto recipere.

§.36. Ac etiam omnibus Prioribus, Præceptoribus, ceterisque Militibus, Fratribus, & Ministris, etiam Presbyteris, & Beneficiatis ejsdem Militiæ de quibuscumque immobilibus, & mobilibus bonis, pecuniarum summis, gemmis, & lapidibus pretiosis, aliisque rebus cujuscumque qualitatis, quantitatis, & valoris per eos ratione Beneficiorum, & rerum Militiæ prædictæ dumtaxat quomodolibet acquisitis, & ad illos quovis modo spectantibus, dummodo quintam illorum partem Conventui prædicto relinquunt, inter quoscumque Consanguineos, & alias personas testari, ac etiam per Codicillos, Donationes inter vivos, seu causa mortis, & alia quacumque via, quæ ipsis videbitur, disponere, ac alias illa etiam in non pios, licitos tamen usus erogare.

§.37. Rursus prædictis Magistro, & Conventui legata, & donata, tam inter vivos, quam ultima, & quacumque alia voluntate exigere, & percipere. Adiacientes ut Notarii rogati de Testamentis, vel aliis voluntatibus, in quibus aliquid disponi contigerit, in favorem, & commodum dictæ Militiæ, hujusmodi dispositionem prædictis Magistro, & Conventui, vel alteri, per quem id poterit ad illorum notitiam deduci, sub pena Excommunicationis, quam primum intimare procurent.

§.38. Postremo dictis Prioribus, Præceptoribus, & Fratribus indulgemus, ut liceat eis cæmeteria in suis Parochialibus Ecclesiis habere, & quorumcumque Christianis fidelium Cadavera, etiam tempore interdicti, dummodo illi causam non dederint hujusmodi interdicto, sine alicujus præjudicio recipere, & sepellire.

§.39. Et Cappellanis ejsdem Militiæ examinatis, & approbatis ab Ordinariis locorum

Facultas percipiendi legata.

Facultas audiendi confessiones.

corum Confessiones Priorum, Præceptorum, Militum, Fratrum, Familiarium, & Subditorum suorum intra regularia loca ipsius Militiæ degentium audire, poenitentiam salutarem eis iniungere, Eucharistiæ, & alia Ecclesiæ Sacramenta ministrare, Missasque, & alia divina Officia, etiam tempore interdicti Ordinaria Auctoritate appositi, dummodo illi causam non dederint, ut præfertur, clausis januis, Excommunicationis, & interdictis prorsus exclusis submissa voce celebrare. Declarantes quod neque Magister, neque alius quicumque Priorum, Præceptorum, Militum, & Fratrum, ceterorumque dictæ Militiæ propter ejus Regulam, Ordinationes, & Statuta, nunc, & pro tempore edita non observata, vel minus rite adimpleta in peccatum Mortale incidat, præterquam propter inobedientiam, & contumaciam pluries commissam, & continuatam, & ab ipsa Religione rebellionem, & Excommunicationis poenæ sibi impostæ ac alios casus peccatum hujusmodi ex divinis præceptis, sacrique Canonibus generantes.

Indulgentiarum concessio

§.40. Denique ad salutem animarum Magistri, Conventus, Priorum, Præceptorum, Militum, Fratrum, & Personarum prædictorum intenti omnibus, qui tempore sumptionis habitus, & emissionis professionis regularis, ac etiam in articulo mortis constituti vere poenitentes, & confessi fuerint plenariam omnium peccatorum suorum Indulgentiam, & remissionem perpetuo concedimus, talesque facultatem habeant tempore susceptionis habitus, & emissionis professionis, ac mortis dumtaxat eligendi sibi Confessorem, qui sit ab Ordinario approbatus.

§.41. Ac tam prædictis, quam etiam omnibus aliis vere poenitentibus, & confessis, qui Ecclesias domorum, & aliorum locorum Militiæ hujusmodi ubicumque existentes diebus festis suarum cujusque dedicationum a primis Vesperis, usque ad occasum solis dierum festorum hujusmodi devote visitaverint, & pro pace inter Principes Christianos conservanda, ter Orationem Dominicam, & totidem Salutationem Angelicam recitaverint, septem annos, & septem quadragenas de iniunctis eis, aut alias debitis poenitentis misericorditer in Domino relaxamus. Decernentes Indulgentias prædictas, & præterea omnes facultates, & gratias prædictæ Militiæ, illiusque Magistro, Conventui, Fratribus, & Membris per Sedem prædictam concessas, & concedendas, durante quacumque suspensione temporali Indulgentiarum, & gratiarum concessarum, & in posterum concedendarum, nisi de eis, & Militia prædicta mentio fiat, suspensionis non intelligi, sed in suo pristino robore, suaque firmitate manere.

§.42. Sed ne aliquando dubitari contingat, an Hospitalia, Beneficia, & loca ad Hospitalia Sancti Lazari quomodolibet pertinentia eodem modo post unionem prædictam Magistro Militiæ Sanctorum Mauriti, & Lazari subiecta esse censentur,

quo ante unionem ipsam Magistro Sancti Lazari subiacebant; neve per unionem ipsam iuris, titulis, prærogativis ad dictam Religionem Sancti Lazari, ante unionem ipsam legitime spectantibus derogatum, aut detractum fuisse: præsentium auctoritate declaramus omnia, & quæcumque Hospitalia, Beneficia, & alia loca ad dictum Hospitale S. Lazari quomodolibet spectantia, prout literis unionis nostræ prædictæ, ac præsentibus comprehenduntur, Magistro Militiæ Sanctorum Mauriti, & Lazari, eodem modo, quo Magistro Hospitalis Sancti Lazari ante unionem prædictam subiecta erant, prorsus subiecta esse, nec per unionem hujusmodi quicquam de iuris, titulis, prærogativis, præminentis ad dictum Hospitale S. Lazari, ante unionem ipsam legitime spectantibus detractum esse, Magnumque Magistrum Militiam, ac Milites Sanctorum Mauriti, & Lazari illis omnibus eodem modo frui, & gaudere posse, quo Magister, Hospitale, Religio, & Milites Sancti Lazari gaudent, & fruerentur, ac frui, & gaudere possent, si unio ipsa facta non esset, sicque per quoscumque iudices ordinarios, & delegatos etiam causarum Palatii Apostolici Auditores, ac S. R. E. Cardinales in quavis causa, & instantia, sublata eis, & eorum cuilibet quavis aliter iudicandi, & interpretandi facultate, & auctoritate, ubique iudicari, & definituri debere, irritumque fore, & inane quidquid secus per quoscumque scienter, vel ignoranter contigerit attentari.

§.43. Volentes, ut illi dumtaxat privilegiis dictæ Militiæ Sanctorum Mauriti, & Lazari concessis gaudeant, qui a prædicto Magistro, seu de ejus licentia habitum susceperint, & professionem emisserint, seu de habitu suscipiendo, & professione hujusmodi emittenda, infra certum tempus arctati fuerint. Nullusque Priorum, Præceptorum, & fratrum prædictorum, absque mandato, seu licentia prædicti Magni Magistri, aut saltem sui Prioris, seu Procuratoris ipsius Militiæ Sanctorum Mauriti, & Lazari in prædicta Romana Curia existentis privilegiis prædictis in eadem Curia uti valeant, nec illa absque hujusmodi licentia vacantibus suffragetur.

§.44. Utque tam præsentium, quam quarumcumque literarum Apostolicarum, seu earum transumptorum, & mandatorum Magistri, & Conventus prædictorum publicatio, & affixio in singulis Prioratibus, Præceptorias, membris, & beneficiis, religionis hujusmodi factæ, postquam diligentia de illis personaliter reperiendis in hujusmodi locis facta fuerit, perinde arctent, ac si contra contenta, sub eisdem personarum literis factæ forent.

§.45. Postremo ut verbis in ipsorum Magistri, & Conventus literis circa habitum susceptionem, & professionis regularis emissionem, ac debitorum obsequiorum præstationem singulorum fratrum Militum dictæ Militiæ appositis plena fides adhibeatur. Quocirca Venerabilibus Fratribus

Qui privilegii hujusmodi gaudere possint.

Executores præsentium literarum.